

905.

1286.

Lagmannen NILS SIGMUNDSSONS afskrift af Lagman FOLKES i Nydala uttagna Testamente.

A. 4. a. 2: 9.

Uniuersis presentes litteras inspecturis. N. sigritha sun. legifer wærendie. in domino salutem. Tenore presentis nouerint uniuersi me testamentum dominj .F. quondam legiferi de monasterio nouewallis tulisse. & in manus dominj .M. illustris sueorum gothorumque regis commendasse cuius testamenti series talis fuit. *Se föregående N:o 742.* In cuius rei testimonium sigillum meum presenti transscripto appendi ad euidenciam premissorum. Anno dominj .M°.CC°.LXXX°.VI°.

Sigillet med dess remsa bortfallet.

906.

1286 d. 2. Jan.

Upsala.

Utvalde Ärke-Biskopen MAGNUS BOSSONS bekräftelse på Fru RAGNHILDS Testamente till Predikare-Munkarne i Sigtuna.

A. 3. c. 11 \*).

Uniuersis presentes litteras inspecturis, Magnus dei gracia electus episcopus vpsalensis, salutem in domino sempiternam. Constituta in nostra presentia nobilis domina Ragnildis erlendi. filia, sua nobis assercione declarauit quod lacum quendam dictum Musamyr iuxta siktoniam situm, cum terra, aquis, graminibus, lignis, & ceteris que loci illius esse dinoscuntur, fratribus predicatoribus siktonensibus contulit pleno iure possidendum, cum libero decursu aque de lacu memorato ad spacium trium brachiorum que wlgariter famn denominantur, in latitudinem, tam per agros quam per plana camporum, & hoc usque ad ipsorum molendinum, ne quis in posterum ipsorum commodum & utilitatem per modum aliquem valeat impedire, sicut etiam manifeste patet in instrumento super dicta donacione confecto, & sigillis domini mei regis sweorum illustris, & ipsius domine Ragnildis, quod diligenter inspeximus, roborato, Nos igitur dictam donacionem seruis dei tam rite factam, auctoritate dei qua fungimur, confirmamus. In cuius rei confirmationem sigillum capituli nostri duximus presentibus apponendum. Datum vpsalie anno domini. M°.CC°.LXXX°.VI°. Quarto nonis Januarij.

Af Sigillet ett litet stycke qvar.

\*) Finnes äfven i 2:ne vidimationer af år 1316; jemte föregående N:o 695 och 756.